

中國方志叢書·華南地方·第二五七號

據

清·祝宏等纂修
清雍正九年修，民國廿二年重刊本

影印

雲南

建水縣志



成文出版社有限公司印行



10101852

中華民國六十四年 月臺一版

建水縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

勲業列傳

馮

立

字士勲父登湖廣黃陂人有才識由百戶歷陞指揮使立纓之習弓馬讀書工文以千戶中嘉靖乙酉科京闈武舉陞指揮又陞都指揮使掌印七年人咸重其操守

羅

珦

字用誠臨安衛人成化丙戌進士爲刑部郎中出知廣西桂林府時西陽延洞諸蠻出劫與全珦檄州縣簡練民兵潛扼山口躡殺幾盡蠻跡自是不敢窺興全也

鄔

福

洪武初以戰功授雲南前衛前所千戶會緬告急委充都指揮往凡往者難必生還福深入其阻宣朝廷德威臣其不臣之士官普刺良永樂二年調撥臨安衛左所正千戶

萬文彩

賢 詳鄉

魏忠

字蓋臣直隸灤州人臨安衛右所千戶以征安鳳功陞指揮僉事又推陞貴州都勻守備以都指揮體統行事

馮冕

字繼周中所千戶性純厚掌所事軫念軍貧呈請當道減免差役軍士甚感子豫孫恩俱中鄉科人以爲德報云

蕭崇業

賢 詳鄉

王儼

江西廬陵人任前所百戶家貧有志精武事苦讀書嘉靖十七年中京闈武舉陞千戶

包見捷

賢 詳鄉

胡平表

字不波建水人萬曆丙午科舉人初任忠州司李奢酋叛全蜀騷然平表縋城而出說石柱女土官秦良玉起兵又集川東少年練

爲士卒凡舟車葛糧營壘矢石一手幹辦屢戰屢捷保川東復西北解成都下重慶功績懋著擢監軍道蔭一子錦衣衛又陞貴州叅政安酋亂黔閩部張鶴鳴特薦加太僕卿右布政督師貴州綜核將領遂直爲搗巢之舉率兵六千破安賊十萬餘衆取永寧掃蘭州畢節而還其薦牘云平表精忠貫日義膽摩空幹轉而立變風雲呼吸而莫測神武歷冒萬險身經百戰煉金煉鋼已成神物崇禎癸酉特起公征流寇至夔峽舟覆歿

馬一荀

字景淑建水舉人在陝西慶陽府推官廉介有大略崇禎三年慶道府二縣缺員公兼篆郡縣時苦飢寇乃固守城池賑流困開渠田建義倉教紡織理刑獄練土詰奸振勵文教數月善政修舉次年春以計典被內誣察降調當去官慶人率爲泣訴得留會保安流賊神一魁等突寇慶陽圍攻甚危公以孤城誓死獨支策勵紳士兵民百計捍守劫焚賊壘擊燬梯閣計殺其從賊及內應者晝

夜嚴巡日散米錢罄泉救渴加賞有功至十日得援圍解復乘殺賊衆保全數萬生命護持全陝咽喉士民立祠祀之督撫按院交章理薦得復官論敘而公尋以病告休矣文武亮節詳各奏章

溫如珍

字燦明阿迷人幼隨父征苗父歿於陣奮力鏖戰擒殺父賊崇禎四年普名聲寇臨時珍官守備統兵三百名解餉入臨名聲攻城北甚急門緊閉城外居民阻不得入珍執刀坐城門令百姓入至活數千生命賊復圍城急珍帥卒力戰不勝退嚴守備置礮石炮木斃賊甚衆賊造旱船珍以火焚之賊掘地道珍立百虎樓力戰賊凡攻城十五晝夜珍衣不解甲同鄉紳總兵劉安國把總冷興泰協力固守賊退城始得完以功授臨元參將廕一子百戶是役也賊勢兇勇人心畏懼非公救則臨爲墟矣全城保民功豈在馬一苟守慶陽時下哉大節流風二公並垂不朽

劉安國

字康侯建水人少與萬文彩同學文名不相下學使范允臨善風鑑謂安國當以武功顯改武庠中武進士任臨元守備普酋叛與溫如珍分守南城全城之功居多奉賫餉入川以靖邊功陞松潘總兵致仕兩賜存問

黃朝宣

建水人有韜略多膂力崇禎間大司馬傅宗龍拔出獄中援剿湖南湖北屢立戰功傳卒從監軍御史陳璘征討流寇績著中原

湯執中

建水人崇禎間從監軍御史陳璘征計流寇屢建奇功歷陞總兵後

皇清收服湖南執中投

誠仍授總兵鎮廣東

新集延方少

PDG

文學列傳

明

羅

鏞

字孟宣治書經嘗從王景常韓五雲遊能詩文隱居不仕教子晟與孫珣俱登第贈給事中所著有納軒集復齋集

郭

鏞

字希聲治易經通醫學能詩著有桂林集

馬

質

字彥文能詩有松鶴軒集子盛亦善詩畫

藍

和

字景中通春秋能詩隱東莊草堂與縉紳爲社有野庵集

邢

奎

字文正號樂天通禮記能古詩文

朱

紳

字孟端嗜學工詩文著有竹溪集

江

濬

字彥通隱居煥山
能詩文有退庵集

凌

廣

字仲傑號煮雪能詩
工篆書有煮雪稿

棄

舟

字濟川治易經能詩文著有順齋集性樂
施沙壩路及浣衣等橋皆其捐貲登構者

劉

瞰

字景寅治易經能詩
文有易亭著八卷

羅

昊

字彥廣能詩
有桓齋集

劉

崧

字彥高通書史善吟咏每有奇句得唐人
韻度知府陳晟工詩於人少許可獨稱之

劉

容

字孟儀能詩與劉崧齊名時稱容
爲東劉崧爲西劉所著有豫齋集

柴

俸

字宗濂明經領鄉薦博學工詩文
尚氣節任思南府推官著政聲

馮

豫

字以和治易經蒙自庠巳酉鄉薦博學能文
首修郡志居家教子及鄉後進多有成就

濮宗迪

字推吉隱居自守讀書循理言動不苟
恂恂儒雅結詩社兄弟子孫同居友愛

楊

僕

詳鄉
賢

葉

瑞

字應期號桐岡嘉靖癸未進士少嚴正敦節操博覽羣書以孝友
聞任石門令政尚寬簡愛民如子擢戶部主事權稅一清商民稱
便以終養乞歸累薦不起與新都楊升庵同郡王鈍庵楊肅庵交
厚時與唱和詩篇著有崇節錄河洛解律苦書評點左國文選尤
精嚴

吳廷秀

詳鄉賢

楊德培

字拙庵天啓辛酉舉人初任池州府推官改西華縣知縣兩任皆有名乞休歸養詩酒自適著述頗多爲鄉大賓

鄒印啓

字密庵崇禎丙子舉人初任永平府推官陞兵部主事秉性忠貞歸里詩酒自娛徜徉山水精楷書多著作

馬之騶

字存微天啓丁卯舉人初任桐鄉縣知縣旋棄官歸常以書史自娛有小學註解刊行於浙爲鄉大賓

蕭琯

字五雲崇禎乙亥拔貢中北直丙子鄉試歷仕楊州知府著有遯庵集西湖草行世

楊應桂

字薇郎號金粟子工詩能文天啓辛酉鄉薦泌水知縣歸里閉門纂集著有書滌六卷文變二卷大易點易集玉壺冰一卷俱行世

鄒印昌

善屬文
工楷法

戴

祚

讀書能文
精字法

高逢吉

工文精
易學

李希靖

工
文

王元震

通五
經

鄔士璫

工詩
文

張孔昌

有詩集
時藝稿

廖楚良

年少敏悟能詩文著
有觀草詩集行于世

糸 巾 及 乃 力 二 可

常中惺

教授
工文

包其偉

字平修博學擅詩文得意疾書萬言立就尤工書法嘗元坐
斗室忘饑寒肆力於書著作甚富以家貧未能刊傳於世

國朝

鄒印揚

字季鷹貢生性孝友工詩文丁亥後鄒氏兄弟並號老成
府州舊志多出手裁著有儉德考寧儉錄瑞島吟二卷

康允晉

字叔昭歲貢生剛方博雅設教郡中多所成就兵燹
後幫貢田爲佃戶隱占公毅然清釐享年八十有一

楊中原

字訥庵康熙癸卯科舉人博
學善詩工書法著有詩文集

葉淶

字兆穎號舫邨康熙辛酉科副榜任南寧縣教諭少穎慧淹貫經
史聞有藏書必借覽歸背錄無遺同人舉列朝典故事蹟應答如

嚮討論六經子史及百家言解說不少休其聰明蓋天授也性孝友父卒葬祖塋每風雨晴晦必泣省事兄敬謹無懈與人恂謹雅度雍容興會所至百里內外名山佳水翛然獨往遇殘碑斷簡悉登記載詩文擅諸家長舉筆洋洋灑灑數千百言考訂郡國舊志爲臨陽文獻之寄詩文集四十卷未刊于世

嚴誌信

字司直郡學生中康熙辛酉科副榜性孝友恂謹自修冲然有道之氣詩文純粹字法工二水九試棘闈志不輟授徒講學成材者衆一夕大風忽拔庭木踰日無疾卒

萬璠

詳孝義

薛正昇

字東曦州學生篤學敦行屢試不售精研百家子史授教生徒著有易解

陳執桓

字佩公己卯副榜純謹有文名

尤有爲

字亦若工詩賦能文

任宣

英偉不羣雄於詩酒時藝高古力追成弘開文氣先

譚璜

字公元任武定蒙化教授少孤善事母博洽有詩文集

曾嵩

字西白副榜性敏嗜學詩文警策著有文集

儒林列傳

明

曹洧

孝友文學重於閭里隆慶初恩例廩生有學者遙授教職郡守以洧應詔

王璣

廣東惠州府教授優德行鄉飲三次

曹光祚

生員萬曆間修學有功給冠帶

許世德

強學力行爲鄉大賓

戎定國

通五經

萬民重

生員端嚴造士淹貫百家